

(প্রেস বিজ্ঞপ্তি)

১৭ ফেব্রুয়ারি ২০২৪খ্রি.

পরিচ্ছন্ন চট্টগ্রাম গড়তে ক্লিন সিটি ক্যাম্পেইন করল চসিক

পরিচ্ছন্ন চট্টগ্রাম গড়তে নাগরিকদের সচেতন ও সম্পৃক্ত করতে ‘ক্লিন সিটি ক্যাম্পেইন’ চালিয়েছে চট্টগ্রাম সিটি কর্পোরেশন। শনিবার ক্যাম্পেইন উপলক্ষে একটি বর্ণাঢ্য শোভাযাত্রা চট্টগ্রাম প্রেস ক্লাব থেকে সিআরবি শিরীষ তলায় এসে শেষ হয়। এদিন ক্যাম্পেইনের অংশ হিসেবে নাগরিকদের মাঝে সচেতনতামূলক লিফলেট বিতরণ ও মাইকিং এবং বিশেষ পরিচ্ছন্নতা অভিযান পরিচালনা করা হয়। ক্যাম্পেইনের প্রধান অতিথি ছিলেন চট্টগ্রাম সিটি মেয়র বীর মুক্তিযোদ্ধা মো রেজাউল করিম চৌধুরী এবং উদ্বোধন করেন সংসদ সদস্য ফেরদৌস আহমেদ।

ক্যাম্পেইনের উদ্দেশ্য সম্পর্কে প্রধান অতিথির বক্তব্যে চট্টগ্রাম সিটি মেয়র বীর মুক্তিযোদ্ধা মো রেজাউল করিম চৌধুরী বলেন, চট্টগ্রামকে পরিচ্ছন্ন রাখার কার্যক্রমে জনগণের সম্পৃক্ততা বাড়াতে ‘ক্লিন সিটি ক্যাম্পেইন’ পরিচালনা করেছে। আমরা চাই জনগণ যাতে যত্নতর ময়লা, পলিথিন না ফেলে। জনগণ আমাদের সহযোগিতা করলে নগরীকে পরিচ্ছন্ন রাখতে আমার যে পরিকল্পনা তা বাস্তবায়িত হবে, গড়ে উঠবে ‘ক্লিন চট্টগ্রাম’।

ক্যাম্পেইনের উদ্বোধক সংসদ সদস্য ফেরদৌস আহমেদ বলেন, চট্টগ্রামের মত এত পাহাড়, বন, ফুলঘেরা সুন্দর শহর চট্টগ্রামে আর নেই। কিন্তু এ সুন্দর শহরকে পরিচ্ছন্ন রাখতে প্রয়োজন জনগণের সচেতন আচরণ। আজকের এ ক্যাম্পেইনের মাধ্যমে বিশেষ করে তরুণদের মাঝে পরিচ্ছন্নতা বিষয়ক সচেতনতার বার্তা ছড়িয়ে দিতে চাই আমরা।

ক্যাম্পেইনে চসিকের কাউন্সিলরবৃন্দ, চসিক সচিব খালেদ মাহমুদ, প্রধান পরিচ্ছন্ন কর্মকর্তা লতিফুল হক কাজমি, মেয়রের একান্ত সচিব আবুল হাশেমসহ চসিকের কর্মকর্তা-কর্মচারীবৃন্দ, ওয়ার্ল্ড ভিশন বাংলাদেশ, যুব রেড ক্রিসেন্ট, রোভার স্কাউট চসিক, বিডি ক্লিন ও ইপসাসহ বিভিন্ন সামাজিক সংগঠন এবং হাজারো নাগরিক অংশ নেন।

চসিকের বই মেলায় তারুণ্য উৎসবে ফেরদৌস আহমদ এমপি

বই আত্মাকে পরিপুষ্ট করে, জ্ঞানকে করে সমৃদ্ধ

তারুণ্যের উচ্ছ্বাস আত্মশক্তি ও দৃঢ়তাই সাফল্যের ভিত্তি। তারুণ্যের উচ্ছ্বাসই মানবজীবনকে সফলতা ও সমৃদ্ধির পথে এগিয়ে যেতে প্রেরণাদান করে বলে মন্তব্য করেছেন প্রধান অতিথি জাতীয় সংসদ সদস্য চিত্র নায়ক ফেরদৌস আহমদ এম পি। এর পূর্বে তারুণ্যের উৎসব উদ্বোধন করেন একুশে পদকপ্রাপ্ত গুণীজন চিত্রনাট্যকার কাওসার চৌধুরী।

প্রধান অতিথির বক্তব্যে ফেরদৌস আহমদ বলেন, যেখানে তারুণ্যের উচ্ছ্বাস তথা মানসিক শক্তি গতিহীন সেখানে উন্নতি ও সমৃদ্ধির পথ বন্ধ। পৃথিবীর চারদিকে আজ তারুণ্যের জয় জয় রব ধ্বনিত হচ্ছে। যারা তারুণ্যের উচ্ছ্বাসে ভরপুর হতে পারেননি, তারা পদে পদে বাধার সম্মুখীন হয়েছেন। বইমেলায় প্রাণ হচ্ছে তরুণ-তরুণীরা। বই আত্মাকে পরিপুষ্ট করে, জ্ঞানকে করে সমৃদ্ধ। বই হচ্ছে মানুষের সত্যিকার বন্ধু। যা মানুষের বুকের ভিতর সযত্নে লালন করা স্বপ্নের বাস্তব রূপ দিতে পারে।

নায়ক ফেরদৌস আহমদ এম পি বলেন, একটি জাতিগোষ্ঠীর সভ্যতা বিনির্মাণ ও জ্ঞানগত উন্নয়নে বইমেলা ব্যাপক কার্যকরী ভূমিকা রাখে। সাহিত্য, গল্প, উপন্যাস, কবিতা, গবেষণা জার্নালসহ বিষয়ভিত্তিক বইয়ের বিপুল সমাহার পাঠকদের সামনে তুলে ধরে জ্ঞানের বিস্তৃত জগৎকে। বাঙালির যা কিছু অর্জন, যা কিছু ভালো সবই তরুণদের কারণে হয়েছে। আগামীর বাংলাদেশ, তরুণদের বাংলাদেশ। তরুণরা আমাদের বর্তমান, তারাই আমাদের ভবিষ্যৎ। তিনি প্রধানমন্ত্রী জননেত্রী শেখ হাসিনার নেতৃত্বে আগামীর স্মার্ট বাংলাদেশ বিনির্মাণে এগিয়ে আসার জন্য তরুণদের প্রতি আহ্বান জানান।

এর পূর্বে তারুণ্যের উৎসব উদ্বোধন করেন একুশে পদকপ্রাপ্ত গুণীজন চিত্রনাট্যকার কাওসার চৌধুরী। তিনি বলেন, ভাষা একটি জাতির পরিচয়ের অনেক বড় একটি বাহন। ভাষাগত পরিচিতি একটি জাতিকে স্বতন্ত্র মর্যাদায় ভূষিত করে। তিনি বলেন, বিভিন্ন দিবসে উপহার হিসেবে আমরা ফুল কিংবা অন্য কোনো সামগ্রী দিই। বাংলার প্রতি সম্মান দেখিয়ে প্রিয় জনকে বই উপহার দেওয়ার অভ্যাস করতে হবে। তাহলে একুশের প্রকৃত উদ্দেশ্য সফল হবে।

আজ শনিবার বিকালে চট্টগ্রাম সিটি করপোরেশনের উদ্যোগে সৃজনশীল প্রকাশনা পরিষদ ও নাগরিক সমাজের সহযোগিতায় অমর একুশে বই মেলা মঞ্চে চট্টগ্রাম সিটি করপোরেশনের প্রধান নির্বাহী কর্মকর্তা শেখ মুহম্মদ তৌহিদুল ইসলামের সভাপতিত্বে স্বাগত বক্তব্য রাখেন বই মেলা কমিটির আহবায়ক কাউন্সিলর ড. নিছার উদ্দিন আহমেদ মঞ্জু। এতে বিশেষ অতিথির বক্তব্য

রাখেন চট্টগ্রাম প্রেস ক্লাবের সিনিয়র সহসভাপতি চৌধুরী ফরিদ, কাউন্সিলর শৈবাল দাশ সুমন প্রধান পরিচালক কর্মকর্তা লতিফুল হক কাজেমী। এসময় উপস্থিত ছিলেন কাউন্সিলর অধ্যাপক মোঃ ইসমাইল, মেয়রের একান্ত সচিব ও প্রধান শিক্ষা কর্মকর্তা মুহাম্মদ আবুল হাশেম ও দৃষ্টির প্রতিষ্ঠাতা মাসুদ বকুল।

সভাপতির বক্তব্যে শেখ তৌহিদুল ইসলাম বলেন, একুশের চেতনায় উজ্জীবিত হয়ে দেশকে এগিয়ে নিয়ে যেতে হবে। একুশের চেতনা হারিয়ে ফেলা যাবে না। বিশেষ করে তরুণ সমাজকে একুশের চেতনায় উজ্জীবিত হয়ে দেশকে এগিয়ে নিতে কাজ করতে হবে। আলোচনা সভা শেষে দৃষ্টির পরিবেশনায় মনোজ্ঞ সাংস্কৃতিক অনুষ্ঠান পরিবেশিত হয়।

অমর একুশে বইমেলায় ১৮ ফেব্রুয়ারি'২৪ আবৃত্তি উৎসব, বিকেল ৪:৩০টা, প্রধান অতিথি একুশে পদকপ্রাপ্ত দেশবরণ্য সাংস্কৃতিক ব্যক্তিত্ব জয়ন্ত চট্টোপাধ্যায়। বিশেষ অতিথি বরণ্য আবৃত্তিশিল্পী বীর মুক্তিযোদ্ধা ডালিয়া আহমেদ, চট্টগ্রামের অতিরিক্ত জেলা প্রশাসক (রাজস্ব) আবদুল মালেক (মালেক মুস্তাকিম), সম্মিলিত আবৃত্তি জোট চট্টগ্রাম ফারুক তাহের, সভাতিত্ব করবেন কবি ওমর কায়সার, সঞ্চালনা আবৃত্তিশিল্পী মো: মুজাহিদুল ইসলাম।

স্বাক্ষরিত/-

(আজিজ আহমদ)

জনসংযোগ অফিসার কাম প্রটোকল অফিসার

চট্টগ্রাম সিটি কর্পোরেশন।

মোবাইল-০১৮১৯-৯৩০ ৪৮৮